



Sesida dals

30 d'avrigl 2019

Communitgà ils

1. da matg 2019

Protocol nr.

314

### **Incumbensa Florin-Caluori**

concernent il scleriment da la cumpetenzza per pajar ils custs da la gestiun da mandats resp. las indemnisaziuns a favur da las curatellas professiunalas en il chantun Grischun

### **Resposta da la regenza**

Dapi il 1. da schaner 2013 posseda il chantun Grischun tschintg autoritads per la protecziun d'uffants e da creschids (APUC) independentas. Ils custs per mesiras da las APUC ston vegnir surpigliads da la persuna pertutgada u dals titulars da la tgira genituriala, nun che terzas personas sajan obligadas da surpigliar quests custs. En moda subsidiara ston els vegnir surpigliads da la communitad ch'è cumpetenta per il sustegn tenor il dretg public (art. 63a da la lescha introductiva tar il cudesch civil svizzer, LIcCS; DG 210.100). L'obligaziun da sustegn è chausa da la vischnanca politica, en la quala la persuna basegnusa ha ses domicili (art. 5 al. 1 da la lescha davart il sustegn da personas basegnusas, lescha chantunala da sustegn; DG 546.250). Dapi l'existenza da las APUC han questas regulaziuns adina puspè procurà per intschertezzas e per malchapientschas. Quai ha mussà il basegn da revisiun.

Concernent l'obligaziun da prestaziun tras la communitad ch'è cumpetenta per il sustegn interpreteschan las APUC dal chantun Grischun l'art. 63a LIcCS en cumbinaziun cun l'art. 5 da la lescha chantunala da sustegn – en il senn d'ina applicaziun unitara dal dretg – actualmain tuttina, sco ch'igl è vegnì formulà en l'incumbensa. I vegn sa basà sin il mument da la vigur da la decisiun per fixar l'indemnisiun dals mandataris, perquai ch'ils custs vegnan mess a quint a la persuna pertutgada pir cun la decisiun da la APUC. Ma las regions pratitgeschan oz differentamain la surpigliada

dals custs. Dapi il december 2018 è questa tematica l'object d'ina procedura da la dretgira administrativa dal chantun Grischun.

La problematica concernent ina regulaziun per pajar ils custs da la gestiun da mandats resp. las indemnizaziuns a favur da las curatellas professionali tras la comunitad respectivamain tras las vischnancas politicas sto vegnir schliada sin plaun surcommunal. Actualmain lavura il departament da giustia, segirezza e sanadad (DGSS) vi d'ina revisiun da la LtCCS pertutgant il sector da la protecziun d'uffants e da creschids. I na para betg curvegnent d'adattar ordavant in singul artigel en l'ordinaziun. La disposiziun per pajar ils custs da la gestiun da mandats resp. las indemnizaziuns a favur da las curatellas professionali tras las vischnancas dovra ultra da quai ina regulaziun en ina lescha formala, pervia da l'intensidad da l'intervenziun. Pia duai questa problematica vegnir examinada en il rom da la revisiun currenta da la lescha. Per quest intent ston vegnir resguardadas las enconuschientschas da la proxima decisiun da la dretgira administrativa e quellas da la lavur da las APUC dals ultims 6 onns. En in ulteriur pass ston vegnir examinadas eventualas adattaziuns sin il stgalim da l'ordinaziun e – sche necessari – realisadas da la regenza.

Sa basond sin questas consideraziuns propona la regenza al cussegl grond da midar l'incumbensa qua avant maun sco suonda:

La regenza examinescha la regulaziun legala concernent la cumpetenzza per pajar ils custs da la gestiun da mandats resp. las indemnizaziuns a favur da las curatellas professionali en il chantun Grischun en il rom da la revisiun currenta da la lescha.



En num da la Regenza

Il president:

Dr. Jon Domenic Parolini

Il chancelier:

Daniel Spadin